

*Mariñe Barrenetxea-Arando  
Azkargorta*

*Bergara,  
Gipuzkoa  
(1917-2013)*

Aurkibidea

**Biografia**



Begarako Zubieta kalean jaio zen. Aita Periko "Arandonekoa" zuen, eta ama Damiana Azkargorta, Ipintza baserrikoa. Aita hargiña zen, baina gazterik hil zen. 5 anai-arrebatatik nagusiena zen Mariñe eta aita hiltzean behean bizi ziren osaba-izebekin joan zen bizitzera, haiek ez baitzuten seme-alabarik. Hau dela eta, gazte-gaztetatik osabarena zen "Arando" tabernan lan egindakoa da.

# Zintak

## BER-146

- **Proiektua:** Deba Eskualdeko Ahotsak - Bergara.
- **Elkarrizketatzailea(k):** Alberdi Bilbao, Itziar
- **Data:** 2003-12-15
- **Iraupena:** 60 min
- **Euskarria:** MiniDV
- **Kodifikatzailea:** Alberdi Bilbao, Itziar
- **Transkribatzailea(k):** Agirrebeña, Aintzane

## BER-147

- **Proiektua:** Deba Eskualdeko Ahotsak - Bergara.
- **Elkarrizketatzailea(k):** Alberdi Bilbao, Itziar
- **Data:** 2003-12-15
- **Iraupena:** 60 min
- **Euskarria:** MiniDV

## BER-229

- **Proiektua:** Dialektologia-EHU
- **Elkarrizketatzailea(k):** Madinabeitia, Larraitx
- **Data:** 1998-08-25
- **Iraupena:** 46 min
- **Euskarria:** Audio Analog
- **Emalea:** Zuazo Zelaiaeta, Koldo

## Pasarteak

### 1. Hileta-elizkizunekin zerikusia zuten ohitura zaharrak

- **Erref:** BER-146/001
- **Iraupena:** 0:02:55. **Hasi:** 00:00:00. **Bukatu:** 00:02:55
- **Multimedia:** bideoa online ikusgai

#### Gaia(k):

- Ohiturak eta bizimodua » Erlijioa » Hiletak
- Ohiturak eta bizimodua » Erlijioa » Elizkizunak eta otoitzak
- Aisia » Taberna giroa » Tabernak eta jatetxeak

#### Laburpena:

<p>Ohitura zaharrak. Manta jasotzea, urtebetera egiten zen. Hamarretako berezia egiten zuten emakumeek egun horretan. Mezak. Arando tabernan egiten ziren meriendak.</p>

#### Transkripzioa

- Hamalau hillabete pasautakuan, ba, ya haura jasotzia izeten zan. Ta orduan izeten zan andrena, andren kontua haura, e? Hamarretakua. Hamarretakua emoten zan.
- Hamarretakua, hamaiketakua...
- Edo hamaiketakua edo dana dala. Meza ostian, ze emoten zan nahi dozu esatia?
- Esan! Goguan dakazu?
- Ba, ipintzen zan arda zurixa eta ranziua. Ranziua esaten jakon, arda goxua, goxuai ranziua. Harek bixak. Gero ipintzen zien intxaurrak, gaztaia

eta opillak. Opillak, holako opil zabal batzuk, ya espezialak eitten zittuen hortarako.

- Eta bizkotxo-zapatillak.

- Eta gero bizkotxo-zapatillak. Bizkotxo-zapatillak, badakizu? Hor egoten dia pegauta, hola —Eibarren ez dao ohitturaik?—, hola, tira batzuk papalak ta, hola, pegauta bizkotxuak; sei bizkotxo-edo bakoitzian. Hemen ohittura haundixa. Ta gero, horrek be bai ipintzen zien. Ta pentseizu zelako hamarretako ederra dan. Haura andrena izeten zan bakarrik.

- Andren ohitturia bakarrik.

- Eta gero, urtia betetzen zanian, ba, aurretik —hamalau hillabete da hori, baiña aurretik—, urtia izeten danian, anibersarixua izeten zan goizeko zazpiretan mezia. Ta gero, emoten zan txokolatia. Baiña txokolatian aurretik, koñak eta anisa ipiñi mahaixan, kopatxo bana, eta gero, panpota esaten jakon hemen. Ez dakit han ohitturaik daon.

- Zer zan hori?

- Ez, oin ez da hemen be ikusten, e? Baiña izeten zien armozutarako panezillo batzuk, baiña espezialak.

- Fotak bai, baiña...

- Bai, fotak.

- Hemen panpotak esaten jako.

- Hemen panpotak esaten jako. Ba, horrek. Ta holako bana ipiñi, eta gero, txokolatia ta [bolauaz urakin].

- Bolaua badakizu zer dan?

- Bai.

- A! Bai? [Bolauaz urakin] txokolatia zerbitzen zan. Ta hori. Horrek, ba, gauza asko. Oseake, taberniak gauza askokin lana eitten zeban. Hor...

- Bai. Oseake, inguruko basarrixetatik be...

- Hamen alderdikuek, e? Beste alderdikuek ez.

## 2. Arando taberna

• **Erref:** BER-146/002

• **Iraupena:** 0:00:55. **Hasi:** 00:02:55. **Bukatu:** 00:03:50

• **Multimedia:** bideoa online ikusgai

### Gaia(k):

- Aisia » Taberna giroa » Tabernak eta jatetxeak
- Politika » Jarrera politikoak » Abertzaleak

### Laburpena:

<p>Arando taberna, oso ezaguna Bergaran. "Batzoki txikia" ere esaten zioten.</p>

### Transkripzioa

- Tabernia, zeuen tabernia, famosua izango zan, ez, Bergara guztian?

- Bai, epoka baten bai, zegaittik eze zer haundixa zeon, hartu-emona jentiakin ta...

- "Batzoki txikixa" be esaten zotsen.

- "Batzoki txikixa", lehenengo... Bai, abertzaliak danak juntatzen zian zera.

- Eta zelan da kontu hori?

- [...] haretzek izengo zien.

- Pixkat tabernian historixia badakizue? Zeiñek zabaldu zeban edo...?

- Ez. Oseake, gure osabiak hartu zebanian, beste batzuei hartu zotsen, baiña ez dakit harek lehelenguak zien ala... Ez. Baiña Arando gu gara, oseake, bestiek ez zeuken izen hori, e? Arandonekuak.

- Oseake, tabernia...  
- Barrenetxea-Arando nola apeldua zan, ba, gero, ba, Arando ta Arando ta...

### 3. Hileta-elizkizunekin zerikusia zuen ohitura zaharra: ondra-jana

- **Erref:** BER-146/004
- **Iraupena:** 0:02:36. **Hasi:** 00:04:08. **Bukatu:** 00:06:44
- **Multimedia:** bideoa online ikusgai

#### Gaia(k):

- Ohiturak eta bizimodua » Elikadura » Jatekoa eta edatekoa
- Ohiturak eta bizimodua » Erlijioa » Hiletak
- Aisia » Taberna giroa » Tabernak eta jatetxeak

#### Laburpena:

<p>Arando taberna, jatetxea eta janztetxea zen. Ondra-jana.</p>

### 4. Hileta-elizkizunekin zerikusia zuen ohitura zaharra

- **Erref:** BER-146/005
- **Iraupena:** 0:01:49. **Hasi:** 00:06:44. **Bukatu:** 00:08:33
- **Multimedia:** bideoa online ikusgai

#### Gaia(k):

- Ohiturak eta bizimodua » Erlijioa » Eraikuntza erlijiosoak
- Ohiturak eta bizimodua » Erlijioa » Hiletak

#### Laburpena:

<p>Elizako sepulturak. Hileten inguruko ohitura zaharrak. </p>

### 5. Baserritarrak larunbatean Bergarara plazara

- **Erref:** BER-146/007
- **Iraupena:** 0:01:44. **Hasi:** 00:09:08. **Bukatu:** 00:10:52
- **Multimedia:** bideoa online ikusgai

#### Gaia(k):

- Baserria » Baserriko lanak » Herrira saltzera, eroatera
- Aisia » Taberna giroa » Tabernak eta jatetxeak

#### Laburpena:

<p>Gizonezkoak feriara joaten zirenean, merienda berezia egiten zuten. Larunbatetan inguruko herrietako baserritar batzuk Bergarara etortzen ziren plazara eta Arando tabernan zerbait jateko ohitura izaten zuten.</p>

### 6. Gaztetan tabernan lan egindakoak

- **Erref:** BER-146/008
- **Iraupena:** 0:00:45. **Hasi:** 00:10:52. **Bukatu:** 00:11:37
- **Multimedia:** bideoa online ikusgai

**Gaia(k):**

- Aisia » Taberna giroa » Tabernak eta jatetxeak

**Laburpena:**

<p>Arando tabernan lanean jardundakoak gaztetan.</p>

**7. Zubieta kalea nolakoa zen**

- **Erref:** BER-146/015
- **Iraupena:** 0:04:15. **Hasi:** 00:21:30. **Bukatu:** 00:25:45
- **Multimedia:** bideoa online ikusgai

**Gaia(k):**

- Herria, azpiegitura » Herri-antolaketa » Kaleak, plazak
- Herria, azpiegitura » Herri-antolaketa » Merkataritza, dendak (kokapena)
- Familia eta harremanak » Herriko giroa » Baserria vs. Kalea

**Laburpena:**

Zubieta kalea nolakoa zen. Baserritarrek bizitasuna ematen zioten kaleari. Dendak, abarketagileak; etab. Zapatagileak. Lantegiak.

**8. Eskola kontuak**

- **Erref:** BER-146/019
- **Iraupena:** 0:02:19. **Hasi:** 00:28:33. **Bukatu:** 00:30:52
- **Multimedia:** bideoa online ikusgai

**Gaia(k):**

- Ohiturak eta bizimodua » Hezkuntza » Eskola
- Ohiturak eta bizimodua » Hezkuntza » Mojak

**Laburpena:**

Eskolara Cía de Maríara joan ziren. Bertara joan aurretik, Mariñe frontoiko eskolara joan zen.

**9. Etxeak eutsi dio euskarari**

- **Erref:** BER-146/020
- **Iraupena:** 0:03:10. **Hasi:** 00:30:52. **Bukatu:** 00:34:02
- **Multimedia:** bideoa online ikusgai

**Gaia(k):**

- Ohiturak eta bizimodua » Hezkuntza » Ikastolak
- Euskara » Euskararen egoera
- Ohiturak eta bizimodua » Hezkuntza » Mojak

**Laburpena:**

Cía de Maríako maistrak zeintzuk ziren. Hezkuntza erdaraz izan arren, moja bat joaten zen dotrina euskaraz ematera. Gerra hasi zenean, gero eta ume gutxiago joaten ziren euskarazko dotrina ikastera. Euskara indarra galduz etxeetan. Trantsizio garaia gogorragoa izan zen zentzu horretan.

## 10. 1930. hamarkadan, euskarazko liburuak hezkuntzan

- **Erref:** BER-146/022
- **Iraupena:** 0:01:18. **Hasi:** 00:34:52. **Bukatu:** 00:36:10
- **Multimedia:** bideoa online ikusgai

### Gaia(k):

- Ohiturak eta bizimodua » Hezkuntza » Dotrina
- Ohiturak eta bizimodua » Hezkuntza » Ikasgaiak eta ikasmateriala

### Laburpena:

<p>Dotrina euskaraz gerra sasoian. Euskarazko liburuak: <em>Xabiertxo</em>, <em>Lutelesti</em>... Fraideetan dotrina erdaraz bakarrik irakasten zuten.</p>

## 11. Cía de María ikastetxea

- **Erref:** BER-146/025
- **Iraupena:** 0:01:00. **Hasi:** 00:38:16. **Bukatu:** 00:39:16
- **Multimedia:** bideoa online ikusgai

### Gaia(k):

- Ohiturak eta bizimodua » Hezkuntza » Mojak

### Laburpena:

Cía de María ikastetxea. Uniformea zelakoa.

## 12. Eskola kontuak

- **Erref:** BER-146/027
- **Iraupena:** 0:00:42. **Hasi:** 00:40:58. **Bukatu:** 00:41:40
- **Multimedia:** bideoa online ikusgai

### Gaia(k):

- Ohiturak eta bizimodua » Hezkuntza » Mojak

### Laburpena:

Eskola kontuak. 13 urtera arte mojetan ikasten.

## 13. Bergarako ikastetxeak

- **Erref:** BER-146/028
- **Iraupena:** 0:03:02. **Hasi:** 00:41:40. **Bukatu:** 00:44:42
- **Multimedia:** bideoa online ikusgai

### Gaia(k):

- Ohiturak eta bizimodua » Hezkuntza » Mojak
- Ohiturak eta bizimodua » Erlijioa » Elizarekin lotutako pertsonak

### Laburpena:

Cía de María. Ikastetxea zelakoa zen. Klausurako mojak. Komentu zaharra eta berria.

## 14. Eskolatik irtendakoan, musika

- **Erref:** BER-146/030
- **Iraupena:** 0:02:06. **Hasi:** 00:46:12. **Bukatu:** 00:48:18
- **Multimedia:** bideoa online ikusgai

### Gaia(k):

- Ohiturak eta bizimodua » Hezkuntza » Eskolaz aparteko ikasketak

### Laburpena:

Eskolatik irten eta musika ikastera.

## 15. Umetako jolasak

- **Erref:** BER-146/032
- **Iraupena:** 0:02:44. **Hasi:** 00:48:48. **Bukatu:** 00:51:32
- **Multimedia:** bideoa online ikusgai

### Gaia(k):

- Familia eta harremanak » Lagunartea eta familia » Jolasak

### Laburpena:

Umetako jolasak.

## 16. Errekan jolasean

- **Erref:** BER-146/035
- **Iraupena:** 0:00:48. **Hasi:** 00:52:47. **Bukatu:** 00:53:35
- **Multimedia:** bideoa online ikusgai

### Gaia(k):

- Familia eta harremanak » Lagunartea eta familia » Bainuak, errekek eta uretako jolasak
- Familia eta harremanak » Lagunartea eta familia » Jolasak

### Laburpena:

Umetan errekan jolasean.

### Transkripzioa

- Ta, orduan, errekan-eta baiñatzen ziñazien?
- Bai, gutxi, baiña baiñatzen giñan. Mutillak gehixao. E? Zuek bai baiñatzen ziñaten asko, ezta?
- Bai, gu bai.
- Geu be ibiltzen giñan peskan ta...
- Lehenengo hor, kanalian, eta gero hor be [...] ikasi igarixan. Hor sartu ta...
- Ta gero Agorrosiñera, ezta?
- Gero Agorrosiñera.
- Gu ez Agarrosiñera. Baiña han bai, ta hor be kanala zeuan, ta kanalian uretan.
- Hor [zeon] presatxo bat, presa txiki bat, ta gero hor kanal bat. Ta, ba...
- Eta baiñatzeko zer erabiltzen zenduen?
- Soiñeko luze bat. Kitto. Edo kuleruekin noizian behin...
- Ez zeuan traje de bañorik orduan!
- Keba!

- Traje de bañua ta gerora.
- Gero. Alkilau eitten zien!
- Dakin noiz erosi giñuzen?
- Zarautzen.
- Zarautzera juateko.

## 17. Udan hondartzara

- **Erref:** BER-146/036
- **Iraupena:** 0:04:40. **Hasi:** 00:53:35. **Bukatu:** 00:58:15
- **Multimedia:** bideoa online ikusgai

### Gaia(k):

- Familia eta harremanak » Lagunartea eta familia » Gaztetako ibilerak
- Aisia » Mendia eta hondartza » Hondartza
- Familia eta harremanak » Lagunartea eta familia » Bainuak, errekek eta uretako jolasak

### Laburpena:

<p>Bainatzeko erabiltzen zituzten arropak. Zarautzera udan senideen etxera.</p>

### Transkripzioa

- Zarautzera juateko. Zarautzen gure aman aizta bat zeon han, ta uda baten esan zoskun: “Etorri zaittezte”. Ta gero, ba...
- Trajiak erosi bihar.
- Erositta juan giñan.
- Ta sonbrero batzuk be bai. Bi sonbrero. Ez dakit zuria ta... Ez jakiñat zeñena zan, bi sonbrero gris —aittan lutua egongo zan—, grisak zintta beltz batekin. [Zimitzekua] gris argitxuaua eta illuntxuauakin. Sonbrero harek luzero egon zian gurian.
- Sonbrero oso polittak zien, baiña gure amak zeukan lazo bat ez dakit zelakua ta haura kendu ein [zeban], haura dotoreeixa zala ta.
- Dotoreeixa zalako. “Guri ez jakun tokatzen”, esaten zeban harek. Pobriak, ba, zorionez. “Guri ez jakun tokatzen”.
- Eta komentau dozu baiñadorak alkilau eitten ziala?
- Alkilau eitten zien, bai.
- Bai. Bueno, Bergaran-ta ez, e?
- Bertan.
- Bergaran-ta ez, baiña plaian alkilau.
- Zarautzera juaten bazara, plaira juaten bazara, kasetan edo nunbaitten.
- Pentseizu. Pentseizu.
- Kasetan edo...
- Ta gurian aman aiztiak esan oskun: “Bueno, alkilau eitten dittue, baiña erosi ein bihar da”. Zegaittik eze... Eske, egixa. Eta orduaintxe erosi giñuzen, honek be bai, nik be bai.
- Ta Garbiñe be izango zan orduan. Bi sonbrero zien ta, birendako zien.
- Juan giñan, aste baten juan giñan... Zu nerekin juan ziñan? Bai, zu nerekin uste dot.
- Zarautzera?
- Zarautzera. Eta zu Garbiñekin, edo zelan? Bi ta bi juan giñan, bahintzat. Bi juan giñan lehenengo, ta gero beste egun batzuk bestiak.
- Nik, behintzat, kristonak ikusi nittuan hantxe. Bai.
- A! Ni zurekin juango nitzan ta hori Garbiñekin. Honek iges ein plaiatik...
- Kalez kale...

- Kalez kale. Eta gure lehengusuak edo... Bai, gure lehengusuak atzetik honen bille. Honek nahi ez uretara juaterik.

- Eske, sartzen niñuan, heldu ta olatuan sartu. Ha ze gauzia e... Sekula holako estuasunik! Nik Zarautzera juateko eukitzen neban bilddurra!

- Eta zelan gogoratzen dozue lehelengo eguna? Zarautzera juan eta han hondartzia ikusi eta itsasua ta...

- Nik ez dakit. Ni ez naiz akordatzeko nobedade haundirik ein zotanik. Ni txikittan juan nitzan, e! Txiki-txikixa nitzan. Aittan lutua zeuan gurian, ta nik aitta ez neban ezautu, oseake... Hiru bat urte edo, [holakoren bat neuzkan]...

- Zuk gehitxuao gogoratuko dozu...

- Nik bai. Nik honek baiño zazpi gehixao, nik hamar bat urte eukiko nittuan.

- Eta goguan dakazu, orduan, itsasua eta olatuak eta...?

- Bai. Ez dakit, ba, nik tamaiño hortako inpresiañorik ein zotan be!

- Neri ez, behintzat.

- Ibili giñan uretan, e! Biharko, gure lehengusuekin-ta uretara juan! Baiña halako bilddurrik pasau nebanik ez.

- Ez, baiña [...]

- Harek zu derrigorrian.

- Bai, ba!

- Gero etortzen jakun gure izekua, zeozer hamarretakua ekartzen zoskun. Bestela bazkarixa berandu egongo dala, eta ekartzen zoskun umioi. Bai. Ni horrekin akordatzeko naiz.

- Ni ez.

- Eta orduan baiñeruak-eta egoten zian?

- Bai, egoten zien, baiña gu baiñeruekin ez giñan ibiltzen.

- Zuek ya bazekizuen, ez?

- Guk... lehengusuak-eta han tropia ibiltzen giñan.

- Ni ez naiz akordatzeko baiñeruekin.

- Baiñeruak bai, baiñeruak egoten zien.

- Eta andrak-eta, zelan juaten zian? Soiñeko luziekin edo ze...?

- Ez, traje de bañua, baiña dana gonia, e?

- Dana gonia, bai. Traje de bañua goniakin.

- Gaiñetik... Oin be ikusten dia banaka batzuk, e?

## 18. Errekan jolasean

- **Erref:** BER-146/037
- **Iraupena:** 0:01:05. **Hasi:** 00:58:15. **Bukatu:** 00:59:20
- **Multimedia:** bideoa online ikusgai

### Gaia(k):

- Familia eta harremanak » Lagunartea eta familia » Bainuak, erreka eta uretako jolasak
- Familia eta harremanak » Lagunartea eta familia » Jolasak

### Laburpena:

Errekan jolasean. Umetako jolasak.



**CC-by-sa | Ahotsak.eus**

Badihardugu Euskara Elkartea

Markeskua Jauregia, 20600 Eibar

943121775 - [ahotsak@ahotsak.com](mailto:ahotsak@ahotsak.com)